

Admela Hodžić, samostalna zastupnica u Skupštini Kantona Sarajevo  
Sarajevo, 08.05.2024. godine, 15. Radna sjednica Skupštine Kantona Sarajevo

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Skupština Kantona Sarajevo, N/r predsjedavajućeg**  
**Vlada Kantona Sarajevo, N/r premijera**  
**Ministarstvo kulture i sporta Kantona Sarajevo**

## **ZASTUPNIČKA INICIJATIVA**

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) podnosim inicijativu Vladi Kantona Sarajevo i Ministarstvu kulture i sporta Kantona Sarajevo, da planira i izdvoji sredstva u iznosu od 1 milion za **adaptaciju, odnosno nastavak izgradnje tribine** Fudbalskog kluba Radnik Hadžići **na glavnom terenu, gdje se odigravaju utakmice Prve lige Federacije Bosne i Hercegovine sa kojom bi zadovoljili propozicije za ovaj ili veći nivo takmičenja.**

## **OBRAZLOŽENJE**

FK RADNIK Hadžići uspješno djeluje od 1948. godine i iza sebe ima niz uspjeha (Prva liga BiH, Premijer liga U-19, Prva liga F BiH, Finale Omladinskog kupa BIH) koji ga svrstavaju u red najuspješnijih klubova u F BiH. Seniorski tim se takmiči u Prvoj ligi F BiH, juniori u Premijer ligi BiH, timovi kadeta i juniora u Omladinskoj ligi FBiH, pioniri, pretpioniri, pjetlići, cicibani i ostali u ligama Kantona Sarajevo.

Trenutno klub broji oko 250 aktivnih igrača svrstanih u kategorije omladinskih selekcija i seniora, 20 trenera i uposlenika. Trenerski kadar je pojačan i trenutno u klubu rade treneri sa UEFA PRO, UEFA A, UEFA B, UEFA C licencama.

Važno je napomenuti da su jedini klub sa prostora Kantona Sarajevo koji posljednjih pet godina igra Prvu ligu FBiH, koja je drugi rang takmičenja u Bosni i Hercegovini.

U proteklom vremenu uz pomoć Općine Hadžići, UEFA-om, N/F Saveza BiH i ostalih partnera i donatora, uspjeli su poboljšati infrastrukturu na svom stadionu. Završeni su radovi centralnog objekta koji sadrži četiri svlačionice, apartmanske sobe, restoran, kongres salu i fitnes prostorije. Sportski kompleks sadrži dva terena od kojih je jedan sa umjetnom podlogom i reflektorima a drugi sa prirodnom travom.

Redovni korisnici njihovih terena su i selekcije reprezentacije Bosne i Hercegovine. Gradski stadion u Hadžićima je bio domaćin UEFA razvojnih turnira za dječake i djevojčice, treninga i utakmica kantonalnih reprezentacija.

**Jedno od sljedećih poboljšanja koje je klubu neophodno je i adaptacija, odnosno izgradnja tribine na glavnom terenu gdje se odigravaju utakmice Prve lige FBiH sa kojom bi zadovoljili propozicije za ovaj ili veći nivo takmičenja.** U prvoj fazi su uz pomoć Općine Hadžići i od vlastitih sredstava, rekonstruisali postojeće tribine i postavili 800 novih stolica, izgradili nove klupe za rezervne igrače, ugradili nove jarbole sa zastavama, postavili video nadzor, adaptirali svlačionice i nabavili neophodnu mehanizaciju za održavanje terena. Za sve navedeno sredstva su obezbijeđena od strane Općine Hadžići i vlastitih sredstava kluba u iznosu od 150.000 KM.

Za nastavak izgradnje tribine potrebna su finansijska sredstva u visini od oko 1 milion KM za koji Klub posjeduje svu potrebnu dokumentaciju za izgradnju ovog objekta (građevinska i urbanistička dozvola, glavni projekat, komunalne instalacije i priključci). Obzirom da su za izgradnju kompletnog projekta potrebna veća sredstva, Klub se također planira obratiti i N/S BiH i Općini Hadžići za dodatna sredstva u izgradnji tribine.

Molim nadležne da što prije razmotre ovu inicijativu i izdvoje potrebna sredstva za izgradnju tribine Fudbalskog kluba Radnik Hadžići.

Sarajevo, 08.05.2024. godine

**Admela Hodžić**

zastupnica